

兩浙輶軒續錄

兩浙輶軒續錄卷十四目

茹 葵 侯健融 汪世雋 姚祖恩 魏成憲

沈景熊 姚祖同 費錫章 吳聞世 吳清學

張椿年 鄒 紳 朱 至 董 鴻 朱兆封

金 諍 王 淳 包嘉穀 盛尙誠 史載筆

張鴻圖 諸葛謨 徐崇浩 顧 澍 汪 璐

余光治 翟 元 柴 杰 汪 農 吳壽照

張 彤 徐福年 馮 至 柳萬泰 李承蓮

茹 蘗 黃徵肅 吳金聲 胡于鉉 汪汝璫

吳經世 吳清漣 洪 範 魏景萬 許廷墀

錢階泰 丁 蟾 楊 洪 桂瀛仙 汪 霖

楊明昇 徐 鯤 史致光 馬履泰 吳于宜

陸元鋐 楊夢符 汪瑜 吳晟 吳清藻

應文荅 顧浩 黃凱鈞 王濱 梅士聖

兩浙輶軒續錄卷十四

督學使者潘衍桐訂

茹

綦字稱葵號古香會稽人敦利子乾隆甲辰一甲一名進士官至兵部尚書著使充使晉使楚使南使

潘詩

蔣攸銛撰墓志公秉質穎異植品端凝弱冠究心經史靡勿淹貫歷荷

三朝恩遇凡其宅心行事夙夜匪懈以盡厥職具在國史不可備殫也

銅雀臺瓦歌

清漳之水東南流飛沙擁岸高於邱銅雀荒臺渺何許青青麥秀迎雙眸老瞞勝算收充冀功成意廣土木修分香妙妓選燕趙珠簾高捲雲中樓當時巧匠製瓴甃范土乃用胡桃油漢家宮殿稱未央瓦當文字方旁求長生無極寫吉語侈伏甯復到此不書生好古強解事吉光片羽煩冥搜疑冢枯骨已朽土此瓦腥穢豈足收譬之郢鼎紀甌自鄭重天球赤

刀羞與傳瓦乎瓦乎真者已如此案頭尚有贗鼎留

過遂平有感

王方川前輩曾令此邑

之子遂池彥居然墨綬紆黼唐稱舊史局促感名駒早識我
爲我且須吾愛吾從來甘美疾終是失良圖

刺桐花

先公爲德安司馬署中此樹最多

黃童墓下聽排衙定省餘閒坐碧紗今日重來遺老盡道旁
開徧刺桐花

署有黃孝子墓

臘月招孫雪帷昆季杜碧齋飲

削面霜風捲地沙長街兀兀短轅車銷寒恰得家鄉酒出窖
還驚頃刻花印縱未封祇畫諾吏緣稀至嬾排衙京華舊友
知多少差少門前馬策過

立秋有懷用蔣心餘前輩韻和海樹作

小窗一夜報秋聲
蕭瑟關山動客情
從古弓蛇多自誤
笑他風鶴總多驚
詩文價任他人定
書卷功還計日并
歎息年來偏少睡
夢回剛聽漏三更

自嘲

閉門生計竟如何
昨夜秋聲枕上多
分少田園依下瀝
敢將文字學東坡
畦栽老莧添紅葉
檐竦高榆養綠莎
幾度曰歸歸未得
故鄉閒煞釣魚蓑

晨起

晨起竟何事
檐前宿鳥催履畦
嫌水漫倚檻待花開
藥餌供多病
關山老散材
奚奴解常課
先洗品茶杯

秋野和杜少陵韻

午夜披衣坐茫茫
去住違買山空有願
投老竟忘歸
腰帶量

還闊容顏歎已非素餐無以報敢慕故園薇

自入鵷鸞侶遂辭鷗鷺羣空疏眞自愧經濟總無聞書卷留
青眼家山戀白雲囊中存禿筆一笑張吾軍

答孫雪帷大令題使楚草韻

一舸襄陽帆影橫孫郎帳下舊知名恩恩攬轡慙良友草草

談兵愧老生

余謬以兵事入告

屢蒙俞旨

戎馬幾人今已老江山往日

憶曾經唾壺擊碎尋常事難覓新聲是渭城

題程定甫

贊清

秋夜讀書圖用史望之

致儼

原韻

視後而鞭馬不前癡兒比肩非少年我媿雞栖日奔走破硯
生暈久未研易子而教古有訓傾蓋誰如程子賢敝車載書
數千卷與子促膝共一廬文到妙來無過熟唯熟生巧乃愈
妍先生口講兼指畫舉比兀坐同枯禪更喜頑石竟欲轉亦

復砥礪不肯眠春風三月吹駘蕩苦心步步相周旋人生至
樂在讀書降格相引期飛鸞卽如君才豈斗石振翼已到蓬
山顛過都歷塊真轉瞬尙爾兀兀守一編要知不朽自有在
名垂李杜千載懸吟安一字豈容易世或未曉內自憇掩卷
起看樓前月垂垂已到西牕邊

侯健融

字一蜚號狝庵歸安人乾隆甲辰會元官兵部主事

吳興詩話狝庵居歸安南雙林鄉舉後來京館葉方伯
旅邸甲辰冠南宮蔡漳浦有國士無雙之目及官兵部
尤器重之未竟其志而卒

偕友人游回仙觀

路轉峯回一徑通仙門搖曳度春風榴皮書罷無收拾賸有
榴花依舊紅

汪世雋

字秋坪錢塘人乾隆甲辰進士選福
建浦德知縣改湖州教授著丙庵集

杭郡詩三輯秋坪荏湖學凡三十年遺著
尚有凭隱詩餘一卷刊入春星堂續集

三月三日招同人叢桂堂修禊分韻得曲字

春暮天氣清茗溪波影綠禊事溯永和禊世企芳躅嘉會山
之陰引觴水流曲俯仰寄懷抱長吟藉醺醪我輩屬冷官前
修或期續戴子念枌榆宸居今志遙矚如此好湖山虛堂笑
自局檢點蔬筍盤當軒一尊屬高軒盼不至謂藥房橡
村香雨麈尾
談亦足良辰企古懽風韻謝拘束卽舉禊帖詞飛觥佐刻燭
晤言幸勿謾今昔境同勛

姚祖恩

字柳漪號笏園錢塘人乾隆
甲辰進士官廣東博羅知縣

揚振鐫曰笏園大令爲亮甫中丞之兄同受業于舅氏
金雨叔宗伯晨夕不離幼嗜南宋雜事詩以爲武林掌
故之彙每游湖山輒攜一編印證旣而屬惠秋
韶嚴厚民校刊行世卽所稱扶荔山房本也

題徐慕葭詩稿

亦園觴詠仰冰清又見文孫善繼聲七葉垂纓先澤遠一篇
脫手盛時鳴使馳西域心何壯名滿南州氣自英笑我中書
君日秃不堪回首望春明

魏成憲

字寶臣號春松仁和人乾隆甲辰進士官山東道監察御史著清愛堂集二十三卷

吳振棫傳略春松丈博綜藝略嘗校

四庫書

文淵閣居官有廉強之名在諫垣時數上疏言事歸後主

紫陽講席數年訓戒弟子必循禮法性抗直勇于義

不為禍福所撓與人交文行切劘任真推分意所不可

輒斷斷辨論其為詩極研鍊有工力

延緝雅堂詩話寶臣先生中乾隆甲辰禮部試

對擬第一以脫一字為彭文勤公籤出置第七分刑部

主事在諫垣時請疏通部屬復性理論疏凡兩上觀察

兗州值曹縣有災示牧令詩云流亡皆赤子慙媿俸錢

多忍使千家哭愁連萬井波長裘資蓋裏陳澤轉陽和

默默情難說新霜鬢漸皤藹然仁者之言著有清愛堂

恩日

論以清廉愛百姓音

再故以名集云

卷十四

姚祖恩

魏成憲

舟次曲江題家書後

每日扁舟向翠微，鷓鴣相喚燕交飛。
春從薄暖輕寒過，人自三楓五渡歸。
西笑底須愁索米，南禪曾此話傳衣。
預思櫻筍登廚候，到及林園綠正肥。

簡校書諸公次秦漪園編脩

泉韻

苑西如畫綠陰長，長夏紉書靜裏忙。
此日探源螽蟴測，昔年照字借螢光。
三清茗瀾冰甌淨
日給清茶五兩風含霧縠涼。
賜紗葛各兩端親到琅嬛仙境好，文成雲錦織爲裳。

敢謂研經井大春，試披諸子百家頻。
連日分校子部集部牙籤愛有香盈手，腹笥慙非誦等身。
玉府羅峯排午午，花甌歸佩接申申。
解嘲也說登瀛數，我是白雲樓外人。
西曹與校書者十有八人

阮伯元少詹

元

截竹插荷藥名曰花筒，伊墨卿比部

秉

綴賦詩索和卽次其韻

清豔恰相宜
筠筒花四垂
此君清節後
彼美豔陽時
露蕊黏新粉
煙梢護晚姿
紅橋脩竹路
舊夢費尋思

題黃小松司馬看碑圖

黃君愛碑兼愛花
碑版照耀紛天葩
每從凡將爰歷推點畫
快於批紅判白窮根芽
搜索龜趺牛礪角
或山之顛水之涯
譬彼遠梅移健步
古香浮動文橫斜
辨隸與科披倒薤鸞飄
鳳泊龍螭拏
有時購買縑繒到斷缺
如霧裏看顏色慘淡猶
含嗟突過干花墨
花豔雙瞳翦水非麻茶
駐馬率更令遊仙
蔡少霞展黃庭經
趁姿媚識碧落篆無聲
牙何如晴窗蠶靜
試響揚絕勝成蹊桃李分
畹蘭蕙荂花耶碑耶是一還
是二讀書牀畔春風香
君今治河用經術餘事
石墨鐫其華筆印

泥錐畫沙論定金石不使豪釐差看花看碑樂莫樂得兼魚熊二者夫何加君本馬塍種花藏書家

余將出都伊墨卿邀同羅兩峯

聘

法時帆

式善

馬秋藥

履泰

汪劒潭

端光

李石農

鑾宣

蔣礪堂

攸銘

曉過崇

效寺看花歸集寒玉齋餞別

高柳青浮積水涯輕陰漠漠帶初霞曾藏人海仕如隱頻款禪房心出家舊雨歡場鴻印合春風香徑燕飛斜一尊更盡情難別爲有諸君共此花

口占贈淵如

義陵湯冢考原真

淵如謂伏羲陵在魚臺譌在陳州湯陵在曹縣譌在榮河考證最博文見集中舊

部重來雁澤春別有蒼生迎馬首揚碑人與賣書人

贈許滇生茂才

乃普

兼呈伊墨卿太守

我交墨卿卅載前齊名日下俱少年問年陸機初入洛戰文
戰詩樂莫樂曩時意氣猶飭飭風流文采今溟生溟生亦年
二十六坐中佳士比脩竹以爾驚才咳卽珠況子說士甘于
肉到處逢人說項斯故人今又在湖湄癸辛識後添行卷丁
卯橋邊共品詩詠君詩酌君酒我與墨卿同歛手有如此筆
醴陵花回憶當年張緒柳雲帆直挂送伊人月旦重評延益
友

謁虞仲翔祠

竹箭不獨美荃蕙竟化茅孤忠屯骨相遲暮遷南交門徒常
數百講學息眾呶髮白齒又落耳順年華拋昔步隨百里今
夢吞三爻羣蠻相鼓舞六籍爲笙匏千載訶子林往往翡翠
巢江東霸氣歇海南文采苞吾衰媿淺學舟芥杯則膠旅泊

拜虞苑蹇足追蒲梢都講從濟濟摘章戒胥鈔永言家寶慕
無獻魯叟嘲

光孝寺南漢二鐵塔歌

歌舞舊名岡鹿大曾化石

見十國春秋南漢後主紀

傳家淫侈南海南罪

高浮圖三百尺千年陳迹未銷磨訶子林中窳堵波左右雙

標寒鐵古莊嚴七級滲金多大寶十年乾德節祝釐要使銅

山竭相輪替戾法王愁魁柄縱橫內官竊知承宣院陳

延受

龔

澄況有瓊仙女侍中髡眾成行金紫貴廟謨參決綺羅叢

媚川都呼鸞道荔子宴生春昌華天不老劒樹刀山慘眾生

金迷紙醉依三寶廷珣死後洗空祠樂範逋餘舶回島一自

俘纍到汴京夢殘鹿女踏花行可憐執挺降王長鈴語聲聲

聽得清佛亦不能佞錯亦不能鑄當時枉道小南強今日空

聞海潮怒莫就蓮趺搨麝煤餘衣更繞菩提樹

龍隱洞觀元祐黨籍碑

華袞無窮號幽巖未泐痕流風餘韻杳深刻大書存伊昔崇
甯歲曾刊端禮門黨分洛與蜀人首潞兼溫遊戲神霄筆淒
涼社飯恩滑臺花事謝良嶽鳥聲喧附麗淆旌別京攸肆捷
幡遂頌州郡遍共仰姓名尊星變天心復冰堅地勢坤毀碑
乘永夜陳乞許連番經合題千佛才眞濟八元仲甯辭刻鏤
李仲甯不忍刊元祐黨籍姓名事與安民類見張吳雲谷雜記頤正譜淵源龔頤正采三百元祐黨籍列傳鑄鼎戈旋擊時又鑄寶鼎列入泝擊而碎之摩補述一百卷厓手重捫一時聊蠖屈百禩尙鴻軒桂海尋殘墨花橋度別
村籍繙八寸策胄源半干孫是刻爲故相梁公譽尙馳邊徼
悲甯叫九閭雉山鄰窄嶺龍洞認蟠蜿世易滄桑局文垂竹

素園光芒騰七宿

洞在七
星山麓

曠代薄夫敦

南海神廟銅鼓歌

靈鼉憤吼清聽瑩殿東西頭雌雄應波羅江上祠海神赤堊
千年博攷證飛薦跼跼五溪渡伐鼓淵淵百戰勝采比首山
寶鼎出納諸都老金釵贈折戟沈沙烽火銷積環成瑁土花
凝韁人幸留舊制作冰夷或司新號令雷轟萬里浪拍天鼓
聲未死一帆正當時蕙苳明珠疑此日鷗鵠純綠映木棉花
開十丈紅金蝦蟆去鑿鑿定摩挲殘缺厯兵燹放眼青天臨
海鏡宵警援枹候已罷春耕鑄器農方慶謹以立動將帥臣
介然有常君子行

用漢
志語

題張南山松石把卷圖次翁覃溪學士韻

飄然鸞鶴姿心與白雲期相賞有眞意出山何太遲松聲寒

翠裏石氣冷青時滿眼都詩境惟應靜者知

金花潭宋孟太后祈風處

靖康南渡煙塵日曾憶雙蟬戴孟家風雨厓山遺恨杳江潭
猶是訪金花

陳節婦詩葉雲谷民部爲其曾大母索賦次曾賓谷方

伯韻

漢萬石君家申申海南諸葉今清門試將世德從容陳有嫺
之後閨中人結襜三載驢溫存鵜鵜翼折離鸞身慘此降割
悲洪鈞白頭黃口同艱辛侍舅撫孤婦職勤丹荔手擘椿延
春舅病不食以嗜荔晨窗呼讀嚴重孫一家維繫由慈恩
手擘進之累月

恩綸綽楔褒封尊陽和亦轉冰霜原苦節必昌先民言卽今
閩粵徵遺聞葉陳兩氏自閩移粵粵遊我識農部君語我懿訓敦我文

和歌南豐鏘瑤珉敢告曾元詒來昆

留別粵東諸生

教學務相長出處難自料歸林八年久帶經侶漁樵精舍北
山麓都講成秀翹東海望南海六千里而遙節度遠見憶馬
幣書屢招謂礪堂尚書俶褻歲在酉冬江寒蕭蕭迎人好巖壑奇
絕連英韶羊城地繁會建牙半舊寮事賢友其仁詞壇振風
騷況忝舉比長何以攀蘭茗

蘭茗集翡翠一樹百穫人根茂實斯遂行篤言乃醇南園響
誰嗣白沙澤未湮四十四萬言溫故而知新餘波亦綺麗大
雅資扶輪豈惟絃誦樂要使風俗淳蠻鄉習禮讓野處皆秀
民通經致實用行充觀國寶水南少司馬乞養閒居身謂溫城
年相與更請業庶幾德有鄰

德有鄰之堂卜築傳坡公公方五十九適粵襄恩恩覽揆等
丙子吾鄉堇浦翁詩編嶺南集論年與公同賤子媿瓠落磨
蝸爲身宮馬齒數茲歲番山亦飄蓬父執梓桑敬謂堇浦先生尙
友笠履風鵝潭閱今古鴻泥任西東插檐見箕斗掣鯨珠海
中遠師韓吏部萬里懷孤忠昌黎亦磨蝸爲身宮

諸生觴餞廩至追送於花田佛山者又數十人口占志

別

六千里外六旬翁猶道重來亦夢中別酒淋漓都化淚暮潮
如雪海天風

沈景熊字炳季號嵩門仁和人乾隆甲辰進士官貴州印江知縣著寄取軒詩鈔

蒲褐山房詩話炳季爲余門下士叢書稗說靡不瀏覽
發爲詩如入波斯之肆木難母淥往往雜見沙磧閒杭
大宗編修稱之余在武林修西湖志招以入局因深
知其學業晚膺民社旋卽懸車亦振奇好古之士也

西江古鐘歌

維

皇至治誰比蹤聲教廣被協堯雍德動天地大樂出西江爰
獻蒼姬鐘徵祥已邁汾陽鼎典寶不減東序鏞齊盟周景不
可見對此厥象羅心胸鑠銑角甬雕刻巧禮圖繪畫真儉儂
面各四乳乳四面三十六乳如攢峯寸挺戛擊乳乳異春容
轆轤聲丁冬銘文可識籀史篆結體古秀蟠蛟龍正月乙亥
誌造作子孫世享何敬恭至今相對猶鄭重恍如入廟來朝
宗更愛完美剝蝕少朱斑燦爛耀丹彤百神呵護信不易紫
泥土碧光茸茸我昔遨遊過渝水幸覩此物誠歡悰摩挲不
釋加考核摹寫鉤勒全姿丰爲綬爲雕未敢定集古金石相
追從乃知真是三代器一十二律殊聲容非編非籥亦非特

依時大小無相重此地舊爲墨莊宅當年什襲忝清供長留
已及數千載湮沒久被磚苔封一朝應瑞見牛斗鏗然出土
驚三農九牧上貢

天子喜皇皇寶貴珍方琮

命付太常重審定韶音復作慶遭逢短章作頌且志遇會見

儀鳳來邕邕

姚祖同

字亮甫祖恩弟錢塘人乾隆甲辰
召試舉人官至左副都御史祀名宦

府志祖同持躬端介當服闋入都道經邗上有欲代籌
行資者急解纜去在軍機日敝車贏馬或不能具車往
往策馬蒞任及以事行部必飭所過州縣毋許遠迎撤
供應絕饋遺輕輿簡從夫馬皆自給價及去任宦囊蕭

然以年
老乞歸

杭郡詩三輯亮甫秉性勁直有強項風乾隆四十九年

純廟南巡召試

欽賜舉人由內翰外擢歷撫豫皖二省矢勤矢慎望傾中外
上頗倚重之嗣被吏議轉九卿陳臬陝西開藩粵東以副憲

兩浙輶軒續錄

卷十四

姚祖同

十

八

致仕
歸

湖山祠廟詩六首 錄三

擾擾其如寇亂何
眞人憤起一揮戈
橫江霸業開孫策
朝漢忠誠邁尉佗
樂事故鄉偕父老
神威東海走蛟鼉
英雄不少風流致
留得花時陌上歌

錢武肅王祠

郢亡無極吳亡豁
拔劍何由斬佞臣
小海異時歌夏統
大招終古怨靈均
名成忠孝因多難
氣壯山河恨未伸
不信試登峯頂望
怒濤飛捲白如銀

伍相祠

制策名高十五人
枯葵病馬自遑遑
殿廬出入神仙吏
嶺嶠歸休放逐臣
塵世危機拚屢中
湖山清景豈辜身
迴翔若向端明老
水枕風船可暫親

蘇文忠公祠

費錫章

字煥槎號西塘歸安人乾隆甲辰召試舉人官至順天府府尹

縣志錫章積學工文志存經世使琉球歸時堅辭贖銀
貽書中山王宣揚

德意

縷述使臣不敢受金意義正詞嚴爲當

時所稱詩序爲王紹蘭沈樂善所作

湖州詩錄嘉慶十三年充冊封琉球國副使著治平
要略續琉球志略來鶴堂文集使琉球集使黔集

船溪行館作

王程不自由眠食皆有例我來到船溪斜日猶未墜猛欲趨
前途荒涼無頓置環繞千萬山冥行良非計因之誠前驅沿
常駐此地僕馬正瘡痛歡喜赦不啻散步循修廊曲折頗幽
邃堂皇及庖湫規模草草備有樹號紫荊敬同召伯憩本大
圍比腰枝小鑪若臂其上紅巾蒙其下香火熾窗明隔疎櫺
從者竊竊議頃者館人言此樹老成魁時作清夜游觸忤能
爲厲余聞正沈思蹢躅來醜隸云此故民居後始建行署曩
在康熙初達官自滇至襜帷擁麗人賸侍羅珠翠不知何詬

爭蛾眉竟私縊今已百餘年芳魂未有替無亦感標梅於焉
擇鬼婿欲問達官誰耳聾舌已醉余謂木居士昌黎詩早記
滇藩當未撤來往赫聲勢愛多情不勝寵專驕莫制是皆富
貴常奚足詫奇事矧余奉

皇威鬼子乃敢崇先王昔制禮幽明實一致旣於此停驂姑
以寸香畀好使眾心安放膽齁齁睡街鼓報三更余亦倚枕
寐終宵寂不聞比曉了無異恩恩復整裝躍馬自茲去楚俗
重淫祠祇貽巫覡利此事未必虛此言徒惑世

大霧行辰溪山中

毒霧曉彌漫騰騰氣蒸釜煙雲復與會有日不教吐層疊湧
不窮自朝直至午見地不見天馬上首恆俯初疑衣裳冷著
手溼如雨漸覺頭冬烘涔涔類中蠱幸皆飽餐來不然中肺

肺人生未閱歷但樂不知苦頗憶江南天薄霧亦常暗一葉
搖輕舟空濛指遠浦最好夢迴時呶啞數聲舫

留黔兩月體訪民風略知梗概歲終無事復成四律

采芑曾煩六月師直開九驛到滇池奢香不死無奇女靄翠
如雄亦可兒久矣齊民同賦稅果然戎素要羈縻諸公勿笑
蠻方陋著意旬宣是此時

山頭蠢蠢野夷居卻憶當年定制初瑰麗未須摹赤雅權奇
終竟讓黔書民靡或者貧無賴官好何人惠有餘生齒日繁
風氣薄苦心應不爲儲胥

自是西南別有天雪花如掌草芊芊本無鹽磧休調鼎未賜
銅山慎鑄錢衣冷全家煨榾柮簷虛鎮日伴雲煙何由盡剗
羣峯去變作蒼生續命田

陰晴不與朔方同對鏡俄驚貌減豐
明月龍標詩句裏角弓蛇影酒杯中
興情到處偏勤問令節催人又送第
三尺無私公事了潔身歸去我何功

吳聞世

原名羅字就日一字袖石號秋農錢塘諸生著綠滿草堂炬餘詩鈔六卷

吳振槓傳略秋農二叔父嚮學甚篤中年奔走衣食往來甌越及燕趙齊魯間以先大夫宦蜀先曼雲兄幸當塋前後復游蜀游院六十歲後始歸里生平酷嗜爲詩老病頽唐猶日習幼孫錄寫舊稿沈吟鍊字樂而忘疲

程石尊自洛下歸招同亞白小集

城頭鳴鳴鳴畫角潑火雨收花灼灼歸客相偕入座來東風
送暖虛窗拓豪情不計淺深杯新釀爭嘗上下若廿年蜀道
溯離情三載夷門滯行橐兩君游轍先後同可惜歸期尙相
錯頭銜未換老馮唐帶孔頻移瘦沈約艱難身事歎泯泯少
壯知交悲落落人生歡聚能幾時更盡一杯輓雙腳

堞莊

青駝寺北少人家斷岸荒邱轍影斜高樹受風疎榭葉平田
無雨瘦蕎花雲浮海岱蒸殘暑山接龜臈抱遠沙落日嘯鴉
村路近棗林紅處好停車

吳清學

字士朝號小酉錫麒子錢塘人著小酉山房遺詩

吳清鵬跋略小酉兄十餘歲侍祭酒公在京有詠冰花句云前身是流水今夕其梅花又詠夜來香云明月淡相映綠鬟涼一堆詠鰣魚云安得萬錢供箸下卻逢四月住江南皆一時佳句

臘月二十九日同人遊三元堂

客裏逢除夕心忙身轉閒因偕素心侶來叩白雲關一水入
門響內有影蛾池琴川羣峯當戶環忽聞清磬出幽處在松發源處大旱不涸

閒

游興福寺卽唐人所稱破山寺也

尋幽出郭趁春晴十里嵐光一路迎不信破山曾有寺無多
游客少知名千年老樹依然在一勺廉泉分外清獨怪衣香
人影鬧反教鐘磬不聞聲

張椿年

字樹青號蓉垞錢塘人著荆華仙館初稿

杭郡詩三輯蓉垞嘗借朱青湖爲儀徵相國纂輯山左金石志館刊上康山草堂者經年輅軒錄之輯亦與其役詩稿二卷合其祖若父所著刊之統名繼聲堂集

湖舫小集和阮梅叔

湖隄積翠罨樓臺蠟屐相於踏砌苔山色遠從雲外見水紋
圓到槳邊來詩情脈脈誇同調酒盞頻頻鬪玉杯正值興酣
情款洽晚鐘何事苦相催

井亭庵同朱丈朗齋

文藻

蔣丈山堂

仁

邵丈右庵

志純

落花時節水平橋路轉松杉石徑遙記取支公揮麈處

謂慧山僧

一窗嫩綠上芭蕉

鄒

紳

原名約字袖湖一字去泰
允煥孫士城子錢塘歲貢

杭郡詩三輯袖湖年十二歲奉父諱侍繼母胡恭人歸
里恭人為山陰稚威先生女孫博通經史袖湖稟承慈
訓復奉梁山舟學士為師所學益邃二十游京師肄業
成均歷襄陝甘閩粵學幕又參汪勤愷公軍事勤愷殉
難自楚北護其喪歸
游歷所至輒有吟詠

偶成用少陵悲陳陶韻

我不願學赤松子朝遊崆峒暮海水亦不願學韓張良百萬
軍中決生死有兒且讀太平書有錢且走新豐市說與世人
人不知富貴神仙兩難至

與陳畹蘭夜話

孤鐙一榻坐深房異地相逢說故鄉世上問誰知馬骨客中
有路總羊腸黃梁難覺遊仙枕丹藥空傳辟穀方情話依依

更欲盡老君臺下月如霜

朱

至

字履伯海甯人著壺口山人詩庚庚石室近稿

吳騫曰履伯卓犖穎異弱冠從奉莢仲魚兩陳子受經習漢唐諸儒故訓多購異書留意金石文字歌詩樂府駿偉踔厲婉而多風仿佛抱遺老人性倜儻負才略不汲汲於功名愛交游重然諾嘗慕古游俠風命畫工寫俠游圖以寓意

烏江拜西楚霸王祠

漢祚四百年項王廟千古蕭蕭烏江渡長存一抔土當年除暴秦復仇報君父豈若分杯羹忍作此言吐縱不渡江東此地崇堂宇中秋自鄂還瞻拜山之陽陡聞怒濤聲雄風擊江浦

董

鴻

字晴江號愚堂秀水人

家傳略公好吟詠善書宗懷仁聖教序臨摹至千百徧筆力渾厚如其人

山樓春望

東風扇暝雨初收簾捲春光入小樓馬踏亂雲公子騎舫搖
明鏡釣翁舟深林有寺藏青嶂野岸無人眠白鷗日暮倚闌
詩思動滿山芳草接平疇

朱兆封

字鎮華嘉善人
著耕石山農集

奉寄王誠齋

卑棲歲月總蹉跎漫向龍門發浩歌劍爲不平常嘯匣水因
有激卽生波虞翻骨相窮愁老賈誼文章感慨多空負良朋
十年望此生久自愛巖阿

金

諍

字匡其號松亭烏程人著
竹隱居吟稿三友詩草

午霽漫成

卯雨欣初過午風時送涼煙消茶正熟花落蝶尤忙殘帙頻

堆案新吟慣倚廊何當泛孤艇日落話滄桑

王

淳字懷初歸安諸生著橋東草堂詩鈔

過香葉草堂訪羅兩峯

曲巷幽人宅相尋趁夕陽輕陰緣古檜疎韻出修篁畫壁全

無俗

東廊壁上略有汚痕羅君就此作石數峯入門者不復辨其真偽也花尊卻有香倪迂清

悶在應復並斯堂

抱病猶延客多情孰似君峯巒生几席

君好石最妙者有子昂兩峯詩畫

帶煙雲慣飲烏程酒曾書白練褰半甌談往事風調憶羊欣

令叔憐宰烏程時君亦在署

包嘉穀

字薦宗鄭諸生

九日顧氏夢葉樓讌集

杯酒期何許來登百尺樓湖山開遠照城郭近高秋舊事空

黃葉新知正黑頭還將遲暮意醉起看吳鉤

雁峯禪寺

曲徑西風裏追尋事勝遊煙霏千嶂夕香靄一簾秋古木餘
寒氣疏簾愜靜修何人吹玉笛響過碧雲留

盛尙誠

字景揚蕭山諸生著晴沙詩草

重九登北幹山

攜壺提榼興何期結伴同游北幹躋籬落花香秋氣晚雲天
雁陳夕陽西陶翁已後誰能醉謝客曾經莫漫題亭畔松風
成舊迹登高遠眺古今齊

史載筆

字忠六號危崖嶧武生

縣志父病劇割股和藥以療尋愈工詩著寐餘詩草

同朱梓廬師遊白龍潭

荆溪之南南明北別開天地攢怪石有美人兮薄言遊折簡
陋巷招幽客踰岡陟嶺度清溪十里黃花炫秋色始知已非
人閒世漸進佳境窮足力羈禽空山時一聲綠篠含煙風戛
擊忽聞清磬度翠微煩襟塵顏都洗滌刻之山川如可圖似
茲佳境費刻畫按諸圖經并地志胡爲聲聞偏寂寂徒使湮
沒荆榛閒不許齊稱東西白豈其千古終南山尙須表章昌
黎伯豈其嶺南諸幽勝直待柳州留筆墨我聞屠釣有名流
老死巖窟終窮阨誰知山川亦爾爾此道古今同惋惜

張鴻圖

字昌基黃巖諸生

重游雁宕寄趙霞章

素性癖煙霞一年一雙屐好山共君游西風吹杖策龍飛雨
腳橫雁落秋空碧雲中綠髮翁笑向去年客

諸葛謨

字巽言
蘭溪人

擬沈休文早發定山卽用原韻

解纜赤亭畔挂席富春山危巒淡煙際絕壁朝霞間迴潮激
岸白曉日浮波圓叢蘿聚蒼翠觸石鳴湍濺花鳥異人境林
壑開天然僕夫戒清旦余心寄香荃卻顧嶺頭雲翹首赤松
仙

徐崇浩

字充字號養庵
西安貢生

葉日蔡傳略養庵性嚴重精性理諸書尤篤於孝
居喪哀毀盡禮撫孤姪如己子戚黨咸矜式之
馮世科曰養庵詩不似斧斤自然
削合而氣如陽和展布時復一新

題醒石庵

何年此息蹤小小碧芙蓉幻出維摩室飛來天竺峯雲藏新
長竹石偃舊栽松絕頂一長嘯風濤起蟄龍

顧

澍

字仲藥錢塘人乾隆丙午舉人官湖北蘄州知州

賜葛

杭郡詩三輯伴藥於嘉慶辛酉年大挑一等引見蒙以緝盜功

擢直收

緝雅堂詩話伴藥少年工詩行卷甚富黃心盒錢竹西曾選刻於新雨聯吟楚江萍合集中著有金粟影庵存

稟十三卷續存藥六卷隨山書屋詩存四卷

大通寺訪王山人隱居

人稀輿行緩人眾輿行疾迢遞看山心與夫若先得行指古

招提六通記禪額中有牆東君竹柏繞其宅紫藤一樹花垂

垂瞰深碧主人工茗事春旗半自摘采茲山上茶盼彼田中

麥但乞天公晴澤下已盈尺

憶白葭巷舊居

白葭巷僻比青楊中有盧鴻舊草堂黃鶴去人辭左券先大父於

園中構軒三楹顏曰來鶴志緣起也未幾鶴去而家移矣烏衣換主認空梁風亭地窄花無韻露井泥深水不香回首童時遊釣處那堪三徑已全荒

贈姚公子春木

掣君馳風驟雨之鉅筆灑作天花花五色措我眯塵翳霧之雙瞳豁然如見朝陽東朝陽東升鳳皇詔天女拈花迦葉笑自古文章祕不傳得之妙手臻其妙誰與波瀾獨老成一篇百讀心爲盟始信雲閒有才子豈徒日下驚公卿雲閒才子才如綺更濯文濤錦江水不羨騎羊入市遊萬卷羅胸行萬里岷峨山川天下奇奔騰腕底稱雄師賦聲擲地作金石詞華燭日敲玻璃詞賦於君尙小道窺豹一斑已欽寶墨妙吹芬到藝林多少童蒙拾香草

安國寺訪韓魏公讀書堂故址

將相功成後名高畫錦堂豈知榮晚節卽此發晨光西夏曾
驚膽東坡亦倖黃閒尋海棠院春草映斜陽春草亭亦圯矣

贈王冬壽茂才

名柏心監利諸生

屈宋衙齋寄一瓊勝於夷甫竹林賢品題春雨關經濟見贈詩有

新稻多於雨後花之句

獨抱冬心正妙年調合中郎惜焦尾

及門蔡黃樓與君最

逆稱莫

名齊張鷟得青錢

嘉魚張生繼華文筆雋永亦後起之秀

梗楠豈是風塵

物會見文昌斗北聯

楚材如此算無多老眼麻茶尙解哦詩筆已超金葉格文章

定勝玉山禾飲人醇醴心先醉竟體芳蘭韻自和此後長江

千里月舉頭穆穆欲生波

是月望余將買舟東下

濂溪書堂爲二程夫子受業處前年被大水浸灌牆屋

俱頽瞻仰瞿然亟望脩復因呈錢小垌太守

拜墓衣冠肅登堂棟宇偏狂瀾迴倒後鼎象卜幾先周孔思
情合匡廬面目全殷勤賢太守有意表前賢

芷灣先生題滇南雲安寺茶花詩花奇詩奇讀之亦心
魄俱振偶效其體賦呈一章

花光壓佛佛亦笑手自拈花心自妙先生大醉來看花看花
大醉詩更嘉寶珠萬朵茶珍珠百餘字字刺入花葉不到
處花力甚大不肯降佛云讓出一頭地先生直以詩力爭詩
腸偶澀排酒兵酒氣拂拂十指出心花絕絕頃刻生君不見
酒干盃花干枝投筆大笑酣嬉淋漓是時無花無酒并無佛
撒地但見先生詩

汪

璐字仲連號春園憲子錢塘人乾隆丙午舉人

沈亦然序略春園涵濡家學無書不窺束髮後卽喜爲
詩自少壯至老凡感于哀樂與夫山川景物之流連昆

弟友朋之離合莫不以韻語寫之古近諸體大率皆酒
酒自運不屑以粉澤剗割見長故其情真其語潔其音
和以舒其氣清而暢亦足以掉鞅時流追蹤先正矣

妙峯庵對雨

枕上夢初覺風聲兼雨聲推窗看山色失卻黛眉橫羣鳥息
清唳殘梅飄落英潭西阻游屐遙望不勝情

崇明李吉六

三畏

以香筆畫見稱於時爲賦長歌

丹青能事有幾人南北宗派何紛綸但憑粉墨恣描寫各守
家法如傳薪東沙之彥不羈客少年浪迹燕與秦得意山川
偶入眼往往興到傳其神案頭筆硯盡揮去但持寸火開嶙
峒微薰側鬢各有法煙雲變幻令眼胸更能畫馬窮馬相開
張天骨駿絕倫有時貌得花下蝶翩翩百十欲混真窮形盡
態總以火力取卻笑臨池渲染徒勞辛無聲詩用無聲畫海

內何人敢效顰

庚申人日水星閣觀梅

街衢雪消水入河寒漸活活無濁波新年市艇渺來往絕勝
港汊通煙蘿聞說南湖梅信好喚來一舸輕如梭田家灣頭
試停泊吹來已覺香風多昔人舍宅作蘭若七百載止一剎
那堂開玉照在何處但存菜圃無人過何年改建水星閣飛
甍舛互標嵯峨閣前栽梅百十本高高下下交枝柯迷離不
復辨紅白但見晴雲香雪聚一窩遊人雜沓不歸去孤山寂
寞將何如

余光治

字景周號午亭仁和人乾隆丙午舉人官江蘇蕭縣知縣著飲蘭室集

吳振械傳略午亭丈性伉爽重然諾一行作吏不欲以
脂韋媚人以是失當事歡改官廣文既歸卜居城北之
金雞兜矮屋數椽雜蒔花木日以冷吟閒醉爲樂迨以
秀水學博注銓則已易簣矣五律如島含春霧隱湖卷

午風腥歲晚閒耕犢場空集陳雅嵐氣溼成霧海風涼
若秋村居多傍岸野渡不通橋沙橫半溪雪人語隔林
鍾文章新樣錦風雪舊時瓊七律如借鋪撥畦栽果樹
分缸鼠水種荷花蟬噪高槐經雨歇蜚穿密竹帶煙流
往事有心迷覆鹿虛名無補
笑亡羊皆不減南宋人佳處

袁江遲家兄不至

幾載辭家鬢已斑對牀舊夢劇辛酸未拋明月潯陽楫獨倚
春風上巳闌斷送光陰愁裏易相逢兄弟客中難何時歸去
蓬門下十里湖山好共看

翟

元

字意圃仁和人乾隆丙午舉人官海鹽教諭

楊振鐫曰梁山舟學士有題意圃聽雪圖詩云萬籟不起時間根逗微寂此境靜者知吟懷冰雪滌可想見廣文之冷趣

題馬愚庵少白昆弟鄂韓聯吟圖

昔年讀君集見詩未見人今日披君圖詩與人俱真幽超寄

瀟灑僻徑無羈塵並坐松竹裏聯吟水石濱家園好風月兄弟若主賓有酒卽酬唱無句不清新具此天倫樂悠然自在身機雲翻不羨名譽奚足珍圖中有詩意對之如飲醇何時其几席得與詩人親

柴

杰

字臨川才子錢塘人乾隆丙午舉人

賜國子

沈廷芳序略臨川柴子性情孤介嘗主講端溪書院集唐句數百首組纖天然稱其家學杭郡詩三輯臨川性孤介師事雷翠庭魯秋陸兩先生梁階平吳雲巖沈椒園諸老在粵東時多所唱和嘗箋釋從祖省軒先生明聖湖賦刊以傳世其父次山上舍輯浙人詩存吳退庵先生杭郡詩輯中賴以搜集者甚夥杭堇浦太史稱其具三美焉臨川于乾隆十六年春

鑾獻詩越二日

召試行宮

賜膳天廚

賞給綵緞荷包有謝

恩詩存集中年七十舉于鄉入秩

賜國子監

助教

粵東拱北樓銅漏

靜聞寒漏徹幽迹隱壺中滴瀝疑將絕遷移妙不窮冲融和氣洽靈感應時通迥出重城裏粵省有新舊兩城遙瞻萬國同

粵東藩署東園十詠祝宋況梅先生壽

來青軒

萬象皆春色

杜甫

先從木德來

白行簡

良辰傾四美

王勃

星分應三

台

李白

竹覆青城合

杜甫

花含宿潤開

李又

憑軒聊一望

薛稷

佳氣靄

樓臺

羅鄴

隱翠樓

紫微臨大角

李白

春入鳳凰樓

孫逖

隔牖風驚竹

王维

牽簾月上鉤

武元衡

花香助羅綺

白居易

珠串咽歌喉

杜牧

積翠紗窗暗

王维

蔭龍

喜氣浮封

竹涼處

東園長新筍李光景暢形神韓愈結實皆留鳳朱慶餘清陰欲庇

人賈逖香風細細鄭谷逐留影鱗鱗陳羽勁節龍文現張仲素干春

續萬春閻朝隱

綠榕屏

翠屏千仞合元青壁與城連盧綸特達知難擬劉軻逍遙不記年

李象分清氣外熊孺登韻墜綠江前白居易結蓋祥光迴林恩霑

雨露偏蘇渙

雙清亭

小築成佳趣王阮瑤臺控翠岑王勃臨書愛奇迹姚合遇象見清心

宗地勝林亭好孫遜天垂雨露深王表浩然思樂事蘇頌閑坐聽春

兩浙輶軒續錄

卷十四

柴杰

三

川三上

禽詠祖

連理枝

相思春樹綠于武陵

中秀合歡枝盧照鄰

煦嫗光偏好王約纏絲會

有時李白

煙霞交掩映

太宗拂拭長妍姿白居易

木德生和氣張棠陽

和沃聖慈源楊巨源

來鶴亭

鶴舞乘軒至

孟浩然祥輝四望新王李

寒暄皆有景鄭疎快頗

宜人杜甫

爽氣浮丹闕

太宗晴光擁紫宸呂嗣初

朝霞鋪座右崔恭福

祿自天申常建

一屋琴

陰崖含秀色

元宗幽意在鳴琴張說賞叶元和德楊巨源

助成金玉

音白居易

欲傳清廟略

孫遜但勛冰壺心李促軫乘明月

王績文星

動碧潯

錢起

習射圃

園林窮勝事

韓愈

象齒飾彤弓

李嶠

藹藹觀光士

王起

恂恂卻穀風

杜牧持衡留藻鑒

杜甫

膽氣亦英雄

齊己

共理登方伯

高適

人天得大

通

趙彥昭

退思堂

祥景紫垣陰

賈祥

耿耿大廈深

岑參

圓光含萬象

王維

勝氣入幽襟

張九齡

自得養身旨

韓愈

能虛應物心

盧象

暝風張樂席

李廓

仙子喜

相尋

李郢

汪

農

字竹隱

新子蔭生錢塘人乾隆丙午欽賜舉人官戶部主事

杭郡詩三輯

竹隱

胚胎家學

又問母夫人在璞堂詩教

沈靜篤實

恂恂

天下賢公子以

太學生預

四庫館校對

繳勞

可斤書十賣錄

卷十一

汪

農

吳壽照

三

賜舉人官駕部熟于朝野掌故徵文考獻娓娓不倦
倦道光丙午重宴鹿鳴賦詩四章和者百人

營勤僖公葬事畢題永興寺壁

幽磬擊寒碧音流一雪堂儒官留手植詩老證心香境寂泉
尤冷僧閒鳥自忙松楸遺蔭在護乞佛慈光

吳壽照

字小尹海甯人乾隆丙午舉人著賜錦堂集

海昌備志乾隆庚子小尹以諸生應

召試得

賜文綺長於選舉抱經學士極爲

推重中年失明士論惜之

舟行望湖上諸山

輕舟隨寒流取道沙岸側推蓬一送睇倦眼若爲拭湖山遠
迎人本是舊相識天空豁呈露巖谷盡雕刻婉變如好女眉
黛弄嬌色澹然凝素妝不事朱粉飾遙翠落衣襟寒光忽來
逼豈如三神山可望不可卽西風引蘭橈帆影相對直明晨

登南屏捫蘿試攀陟

張

彤

字虎拜號鄂樓歸安人乾隆丙午舉人

縣志乾隆甲辰彤及其兄師誠應

南巡召試師誠第一彤列二等旋中順天鄉試戊申

駕幸柳墅再應

召試取第一拜文綺之

賜授宜良令由元江直州牧擢大理守從平滇黔苗斬獲千

級禽王賽仙降二千六百餘人功最擢糧道調江西糧

道備兵登萊青執遷東臬六權藩祭所至有政聲時師

誠亦以廉能致通顯嘉慶壬申乞養

優詔許之

恩賜錫祉承徵扁額蓋異數也著宦蹟錄存十卷山左讞牘

十六卷續披縣志四卷披詩錄六卷詩話

二卷鄂樓隨筆四六雜體錄存各若干卷

征威遠猱黑發昆明有作

纔卸戎裝印綬清前驅又指瘴鄉行官鄰雞足惟依佛穴擣

牛肩頗厭兵

原注猱黑方踞牛肩山為巢

無限雲山皆熟路不分晴雨總

兼程菊花天氣秋宵永可有飛鴻寄客情

游黔靈山

尋春出郭翠岑攀沙樹蔥蘢石蘚斑養疾豈能長閉戶辭官
先許飽看山人行樵徑雲俱淡花落禪房鳥亦閒四望炊煙
騰萬井黔州從此戢羣蠻

登敬堂太常近光樓

景物蕭閒屋似舟水晶簾外短垣周莓苔潤雨青浮檻楊柳
霏煙綠上樓羅雀門開從攬勝釣魚宴罷且吟幽
太常新承賜宴
最宜消暑平橋畔一鏡方塘五月秋

五月十四日白亭院長招飲卽席賦呈

小雨碾花塵言歡忘主賓杯盤都近古瓜果喜嘗新道以儒
賢重書方几席陳同尊鹿洞長朱學有傳薪

徐福年

字杏墅會稽人乾隆丙午舉人官遂安教諭

題方耐公趾園雅集圖

惠開嘗有言所貴行胸次不然雖百歲壽與天無二斯言得我心了不異人意方子覃其懷引入入勝地神從象外遊逸趣付繪事老態于焉忘悠悠起遐思

馮

至

字紹泰諸暨人乾隆丙午舉人官海鹽教諭著綠野莊詩草允都名教錄

周桐序略森齋先生善屬文又以餘力爲詩上溯漢魏下挹唐宋不屑屑以鏤金錯采爲工而天葩獨秀一洗庸音

名教錄自序略至不自揣偶有所得輒思爲志乘補遺網纂既久積有寸許適郡中修志上之志局自後所輯約數十葉覺棄之可惜爰將嘉慶間所聞見者彙爲四卷顏曰允都名教錄陶溶宣曰君詩長于論事直抒所見有清氣往來其用意層出不窮筆曲折足以赴之所著別有名教錄及金訂拾遺諸書

無雙譜題詞四十三首 錄五

千兩金百斤鐵一擊苦不中十日索弗得籌狐帛魚破網羅
圯上虎嘯祖龍殛委蛇隆準重瞳間計奉公子恢故國成死
韓仇不屬秦殲羽非季莫爲力事漢去漢復歸漢意緒絲絲
密如織鴻溝界割臣心寒烏江頸刎臣事克三寸舌完五世
職十萬戶封吾何德黃石隱無言赤松幻無色丞相通侯人
嘖嘖孝子忠臣自默默赤松子

六經如日其尊無匹秦炬只自焚漢箋難共詰霸造雄擬詐
而僭通續暫補侈而溢僞信如眞既虛史筆工取爲官終乖
典律我念媧皇鍊五色百代復得吉人姑說卦三篇秦誓一
一一河內女子出不敢沽名書易中區區姓氏聽遺失河內女

維老與釋如角相犄馳逐人心虛靈癥瘕巍巍韓公山斗列
峙原道道明闢佛佛死孔思周情首尊孟氏點抹六經刊削

羣史文而有理範圍多士理而有文卓越諸子

韓昌黎

監軍使誤國是讀史至門生天子每爲之扼腕切齒學士大夫謂此曹宜悉翦屠嗚呼豈不然乎顧獨何以處吾老奴舉目河山血淚枯老奴庸劣無良圖爲王措拾財賦佐芟芻庶幾戮篡國之賊梟賣國之徒復立故帝上告先帝李唐苗裔永永弗替

唐老奴

迎闖王不納糧只六字虎而偃從茲日月暈無光推原禍本神宗始礦稅殘於花石綱應龍遂叛畿盜起妖書差挺園蕭牆旋復紅丸誤泰昌斧鋸髹漆坐明堂內廷奉聖客如魅率土祠奄國若狂東林復社士胥戕乃把艱危貽信王皇考皇兄誤舊方宮中宵旰徒憂傷猶運神武殲貂璫謂社稷宜靈長疇尸臺閣壞封疆泄泄溫周與熊楊甲申三月丙午朏

城南烽火徹金闔是夕也彼蒼夢夢賊洋洋諸臣默默帝茫
茫詔曰國君殉社稷朕惟一死見高皇明亡始爲堯舜禹湯
文武周公孔子立綱常

莊烈懷
宗皇帝

謁二姜祠

給諫力謀國行人旋去官乾坤已決裂忠孝空團樂我意在
溝壑臣心懷苦酸祠前極眺望白日生高寒

仁壽夫人

劉夫人黃少卿歲歉而振竭其誠某也火不舉某也煙不升
分遺之錢帛薪米合百室而盈更斥奩具市腴田若爲之代
耕恆沙無量劫不能厄我孝義之鄉氓夫人九十有七歲以
仁獲壽天所旌天之所旌似已極盛不可繼而夫人九世孫
新有田三十六萬畝而贏十一世孫自明又創之法度立之

量衡以光繼其家聲嗚呼夫人嗚呼少卿其諸鳳凰之和鳴
鳳雛之鳴猶嚶嚶行且擴夫人之緒爲古今義類之所莫京

柳萬泰

字岱瞻南溪人乾隆丙午舉人官湖南慈利知縣

讀老子戲作

茫茫宇宙間我身一何小烏兔自往來煙雲紛縹緲倏忽附
形質須臾出巢鳥持此方寸心憂樂遞相擾邇來參祕笈世
法貴得少偷閒習枯坐池清月皎皎此意誰與同文字空糾
譌留侯若婦人高風猶未渺

李承蓮

字宗白鄞人乾隆丙午副貢官慶元教諭

縣志承蓮任羅定州州判調省鞠獄不肯刑求終日與囚相對飢則呼飯與囚對啖有遲至一二日始得定讞者每語人曰天下極無理極不合法事皆有情節眞者斷不能假假者斷不能眞惟在細心紬繹之耳若以刑求多有誤承是我殺之也

夜過佛山

正值晚潮生江流急未平佛山遊已舊客思夜同清十里橋

浮影千家犬吠聲舉頭明月上遙共故鄉明

茹

藥字韻香號也園又號玉笥山農會稽人乾隆丙午副貢官松陽訓導著吟花書屋入怪山房一笑了

然諸集

家傳略先生為三樵司馬敦和兄子官括蒼一歲即移疾歸年八十卒生平詩最富不下萬首手定稿十六卷

僅百一耳杜尺莊徵君曾任剡

玉樹不果經難皆付煨塵可慨也

頃刻立成一首題輒百首便面書蕭選數篇或于胡麻上書

唐人絕句百首一便面書蕭選數篇或于胡麻上書

龍蛟龍四字入法精勁行白井然極目力始可辨同時

翁覃谿雅擅斯

伎無以過之

眠雲舸釀說舊藏先生詩如新樂府南歸雜詠冷花百

詠借春吟銷夏吟無題詩守瓊吟各百篇其詠月七律

三十首桐陰清話以為王笠舫作絲雪堂集不載或偶

佚或傳味琴校訂時刪之按原稿有笠舫評云奇思壯

采巧奪天工後先生亦有自記謂題
苦窘用法頗費苦心則決非王作矣
杜煦曰君下筆千言繁富自喜善芝
美人執扇中楷隸飛蟻蝨官松陽日
有士人妻實作妾
君贖還之亦
盛德事也

越中詠古

畫圖八百幅一幅一神仙翠黛環山影玻璃合璧天清風懷

白石明月夢青蓮擬趁菱歌去仙家何處邊

湖鏡

小山張大口吞飽古今船乍入疑無路居然別有天魚龍游

樂國雲霧幻飛仙靜坐渾忘暑鐘聲開暮煙

山吼

隔岸是吳國蛇門記得不江山空半壁天地一危樓膽味苦

中苦薪牀秋復秋曲池曾洗馬不洗甲兵愁

越臺

山水不平常孤邨出大王一人掀地起千古破天荒可惜英

雄莽悲歌慷慨長何如學書劍白首老家鄉

項里

官小神仙大梅花笑破吾江湖雙腳健天地一山孤白水眞
皇帝黃泉葬大夫壻鄉有釣者還倩鶴招呼梅墅

一閣凌霄起蕭然老放翁酒懷傾潦倒詩境拓長空心事春

波綠江山夕照紅凭闌姑一笑收得快哉風快開

一曲釵頭鳳春波綠到今長拋名士淚傷盡美人心芳草銷

魂碧梨花入夢深鴛鴦親昵甚打鴨莫相侵沈園

黃徵肅

字雨莊餘姚人乾隆丙午副貢官太平教諭

遊嵩巖經林明經樸齋墓在太平

謁來祇園寺更作南嵩遊厓隄並險削洞壑尤清幽旂山不
可見別架雲中樓疊石湧層浪松風鳴清秋斯邱樂復樂天
爲滕公留丙舍有諸子廬墓星已周我來不期遇煮茗須稍
休迴潭起暝色四顧蒼煙浮仙境未窮探歸鳥聲啁啾容當

再蠟屐一上青獅頭

贈无軒陳君同門

碧蘚迳徑杉皮屋花南水北半脩竹清光縹緲窅而深六月
谿堂漱寒玉朱宋兩絕無聲詩潑眼煙雲謝丹綠年來徵索
徧天涯傳響詩壇等呼谷士林甄別延新交數旬均得瞻韓
目臨池況系鍾王支博古復俾金石錄發篋遺子湘管吟擊
節高歌谿塵俗何當卜築鄰君齋茗雪谿頭占一曲不然泛
宅與浮家延緣一洗凡眼肉越角吳根邈何許夢到湘雲意
深穆

吳金聲

字韻玉號元圃晚號蝶園嵎人
乾隆丙午副貢著蝶園詩集

呂岳孫曰蝶園天才俊逸學
殖亦富宏篇鉅製觸目琳琅

錢塘晚渡

吳山秋罷飲歸思若相催落日淡江色回帆指越臺潮聲連
海急山翠逐人來明日山陰道應多圖畫開

社蠹

社蠹復社蠹吾欲向天訴訴天天不聞煩言人瞋怒雖然瞋
怒多猶欲言其故紫陽古賢人立法本非誤自宋迄

聖朝事寢非朝暮邑老應與劉稽古多欣慕法求大憲行遂
將良法布吾邑民多貧嗷嗷日待哺義士自歛醵春耕省而
助厯久弊竇生從此遂舛互胥吏徵規錢年年空冊注是名
爲蠹政白日如蒙霧亦曰奉舊章舊章成禍具是名爲蠹法
先哲枉垂裕壅格恩不流民已爲涸魴是名爲蠹民詛聲盈
道路吾

皇燭其姦一言發沈痼故事流新恩豈復屯膏懼持此告鄉

閱此事宜熟慮誰其秉義心吾民仰飽餽

紀事

剡邑本山區縣治營山麓市井前錯陳餘制次第復宮牆宜
宏敞要令瞻拜肅亙古無二人營修勞賢牧諸典亦並舉報
祀薦香馥陰陽職並重城隍祀甯黷造勑昔先民邃宇儼山
腹朔望官焚香歲時民禱福奠獻廣陞堂神靈足棲宿廟古
有頽垣歲久生蠹木補葺固宜虔黜聖亦貴速期以妥吾神
安用驚時目仍舊如之何道謀胡反覆雖非爽塏更欲與瑤
臺續拓基尋丈增徵材四万逐旣移藥王宮又遷大士屋石
楹雙龍蟠珉階百花簇高簷礙浮雲兩翼翔飛鷺棟擬虹橋
橫臺比露盤蠹巧匠聯甯葵良材窮山谷籩條兼戚施臃腫
并卷曲金碧歎遊車廣蔭庇老禿天地有限財人世無厭欲

釀歛收脂膏衣食少布穀神亦愛吾民豈必侈版築吾思籲
穹蒼急雨荒年粟

金童妻

并序

明成化八年海康人金童與妻莊氏并其女避難新
會止劉銘家銘見莊色謀殺金童於江中莊見夫屍
遂并以女赴水死

哀哉金童妻夫死於江不能知浮屍悲慟報仇無期捐軀殞
命并以女隨風淒月暗三魂何依嗚呼童因妻死妻同夫歸
天之夢夢色爲禍基千秋萬古魂悲悽哀哉金童妻

不見金成勇十餘年矣今秋晤於李克行家彼此幾不
相識日月云邁是可歎也

相見不相識甯知是舊交坐來通姓氏鬚髮兩相嘲問訊道

平素怪余棲故巢倚窗默無語竹露落寒梢

雙燕離

琴操三十六雜曲中有雙燕離

昔見雙燕來今見雙燕離來時作巢雙銜泥誰知集成不雙棲孤雌失雄仍哺兒鴟鴞相伺尤堪悲雙燕來雙燕離

丁未春有鳥巢齋中桂樹雛成而去秋復至其巢已毀

余見而有感焉

有桂樹兮庭前鳥之巢兮枝巔哺兒兮將終年兒紛飛兮去不還去不還兮復何時秋霜飛兮其安之歸故鄉兮天涯室已毀兮焉居

新營小圃

幽棲悅天性避寂塵喧離憶昔瓦石窟曾爲蟲蛇基春草護行迹亂藤蔓疏籬主人發幽興量度遂營之畚揭去礧礧薙

三
八上三
削除蕨蕤泥瀟細石蝨花弱頽垣支春風坐石酌牡丹向我
披旁有桃柳枝新聲鳴黃鸝瓦盤菊初綠霏霏春雨滋分植
澆其根汲水呼童兒八月花如霰雙桂紛參差晚日來斜曛
一一黃金姿數枝搖曳處按譜名難知且暮足幽賞晴雨無
不宜忽聞松風來清芬入膚肌欣然愜心賞止足夫奚疑

明巖山

在天台縣西七十里

性有名山好探奇來天台明巖甚幽邃一覽眾勝該捫蘿上
絕頂引首重徘徊怪石磨穹蒼空中風雨摧下有一巖穴日
漏天光來眞僧棲其閒老虺安能災結趺數十年枕席生莓
苔兩峯更側立鳥道病驚駘其勢如合掌萬古相崔嵬飛泉
灑白雪四時聞崩雷欲偕寒山子結茅山之隈靜坐面石壁
直待元關開

遊石屋禪林

何年鬼斧擘峻嶒蘭若新開第一層
慧業旣難消世法塵顏
先愧識山僧茯苓根剷長生藥祇樹枝懸萬歲藤
暫爾息機
清淨界琉璃鐙下看傳鐙

胡于鉉

字啟名號綺茗鎮海人乾隆丙午武舉官至廣東南澳鎮總兵

病中秋思

日落眾山合蒼然生暝煙秋聲高樹外
初月斷雲邊瘦骨妨
宵坐涼風怯晝眠邇來詩思減蕭索聽鳴蟬

題望海臺

高臺縹緲欲連天乘興登臨意豁然
來自竹邊風更好照從
波底月增妍樓船周帀迴瀛海山樹空濛合
晚煙最是一番
行樂處安瀾共享太平年

汪汝璫

字坤伯號滌原憲子錢塘人
議敘大理寺丞著北窓吟稿

杭郡詩續輯滌原少時頗耽吟詠晚年留心內典不復作詩

高宗純皇帝詔求遺書恭呈家藏善本六百餘種蒙
頒賜佩文韻府全部士林榮之

讀馬令南唐書十首

錄四

飄蓬淮泗悵何之轉瞬風雲創霸基
豈必英雄皆遇蹇從來大業貴乘時
兵當破越籌初展亭有延賓望早移
試較曹瞞比西伯不須惆悵鬢成絲

烈祖

寥落堪傷國運更截江聲鼓夢魂驚
方愁采石橋初繫無那黃花漲已平
回首家山雲黯黯登舟風雨淚盈盈
滿城梵剎徒灰燼鶴但乘軒不禦兵

後主

禁苑深沈鎖碧霞保儀當日擅才華
羞將希寵人如玉空道傾城貌似花
聽徹春聲歌不到拋殘圖史月初斜
那堪回首

家山破萬卷灰飛噪暮鴉

保儀黃氏

壯志無如國運傾舟師已下石頭城誓留死骨完初節恥作
生俘入上京主已獻降親署款臣猶談戰請提兵向來負險
勞征討拒命甘當死後名

陳喬

吳經世

原名昱字捧日號秋漁錢塘人官四川德陽知縣

吳振械傳略秋樵三叔父嘗幕游齊魯間後依先大夫
于蜀中會三省教匪構亂慨然投筆出佐軍籌大官頗
倚重之以功屢遷
宰德陽數年歸

可園落成呈阿雨窗都轉

俸錢不惜擲千緡頓使園林入望新百種嬌紅移澗萼數竿
疎翠拂霜筠小山當戶疑開畫飛瀑臨階共洗塵具此勝情
兼勝地午橋歸隱笑前人

吳清連

字文波號漪江錫麟子錢塘增生著灌園居偶存草

吳清鵬紀略：清江兄自幼篤志好學，長鵬十三歲與小
穀兄少同受業，督課過于嚴師，詩文皆出，教授五十後
不復應試，以種
花賦詩爲樂。

梅塢掃墓過大青嶺作

春風花落棠梨樹，悽惻清明又一度。
策杖偃僂嶺上來，過山便是先人墓。
平生愛山畏陟險，偶遇崎嶇卽回步。
今日登臨不道疲，久過山中熟山路。
牢記山人戒我言，但學圈行弗回顧。
半山山亭可暫憩，是我欲吟未成處。
其下有寺藏峯邊，信宿常過寺中住。
寺僧自言山居樂，老守山田不出募。
歎我何爲賦歸兮，空向山中往來數。
林鳩又聽催春耕，行看老僧理耕具。

踏雪至斷橋望湖上諸山

樹梢落殘雪，凍禽導客起。
一路芒屨痕，直接斷橋止。
湖膠水

無聲寒色互十里瓊鋪一鏡平玉立萬峯峙松篁搖曳之掩映晶屏裏我來坐平闌一覽如隱几非徒冷趣多頓覺塵心洗歸就酒家樓一壺獨徙倚忽聞打冰來行舟者誰子

洪

範字模庵錢塘人

停雲閣詩話模庵好討論金石文字常預製藏器鑲以梅花自題云萋萋芳草徧天涯無計留春枉自嗟至死難忘風雅習桐棺三尺刻梅花

憶游石室巖

猶記前游小洞天振衣先到白雲邊手搖星斗一枝筆氣壓乾坤九點煙歷歷江山排眼底茫茫身世感風前何時得把初心遂散髮扁舟學謫仙

魏景萬

字春暉仁和歲貢者春草廬詩

觀東坡表忠觀碑

苔蒙古瓦椒陟壁尙父靈宮閼瑤冊湖山依舊耆民非忠孝
猶鋪一片石憶昔三節還鄉來父老舞襖生塵埃蕩平劉董
暨吳越銘勳欲上歌風臺春日遲遲百花暎陌上香車歸緩
緩將軍大樹錦衣圍石鏡高崖月輪滿四王一心保疆域橫
排五季歸有德不爭郭雀代卯金焉識狼風起巫峽自從舉
族傲虞賓百年正氣潛消淪鐵幢尙激水犀弩石馬長嘶櫟
道春守臣抗疏表遺烈祠墓荒涼更封殖玉局仙人海上來
灑翰摛詞爲銘勒鼎新革故年復年碑石又遭柱下填鯨鏗
鳳翥搜遺迹嘉靖墨本閭重鑄竭來快讀櫨楹下玉律金科
媲風雅史書鏤錢未爲苛天祚忠貞洵非假惟忠惟孝被無
垠碑石峩峩治道存何須奇字摹峒嶠試向銀鉤驗厥根

許廷墀

字芝庭
海甯人

許仁杰撰傳略公年十九棄舉子業歷游秦楚博脩脯
以供菽水具幹才刻苦善治生以母病歸奉千金壽母
母怒曰汝父作宦十年未有多金爾依人作活金從何
來公跪白其故母怒乃釋繼又游閩游陝地方利病洞
若觀火富事亦信任之凡所贊勳靡不精當如除浙川
埠役觀火富事亦信任之凡所贊勳靡不精當如除浙川
米聚千餘人留壩工次亦聚夫役數百人滋事當軸者
震壩公以片言折之立解散又如監收潼關工料總理
留壩工程可有贏金他人必厚自利公一無所苟公嘗
修建德星前步雨橋舉長姊夫婦喪葬伯妾朱苦節為
之請旌兄璿宦游閩嶠卒於官為之歸櫬凡人所不肯
為為之而未易盡力者公始終任之尤殫心於祠墓祭
田又倡德星堂葬會以葬族人蓋公夙承母教而其
才力又足以副之故能措置裕如而事無不舉也

臨平舟中

連絡峯巒映碧流離懷多在柳梢頭年來不作關河夢看盡

鄉山倚舵樓

錢階泰

字平齋嘉善諸生

府志階泰性疎曠授徒自給以隸書
擅名於時刻有讀書樂歌帖行世

過遜溪作

倦懷無復戀歡遊爲愛池塘又放舟
賭酒難期花解語揮毫空羨墨封侯
十年舊夢鶯聲老一枕新涼梧葉秋
醉倒夕陽君莫笑蕭蕭白髮已盈頭

丁

蟾

字月亭號蓉齋烏程人著蓉齋詩集十五卷

張鑑序略蓉齋詩古體絕幽鑿險紀太僕心齋亟賞之

哀蠶行

白蒿繁時桑葉青吳下蠕蠕蠶子生
獨居少婦抱兒睡遙天不曙神魂驚
采桑采桑幾勞頓三浴三眠長積寸
阿儂哺蠶勝哺兒以蠶爲命豈辭困
黃土牆邊幾本桑蠶桑生計給租糧
往歲分栽勤灌溉春來爰采不盈筐
采桑一筐良不易哺蠶數堰甯有濟
葉市爭昂蠶苦飢繞筐躑躅空泣涕
鄰家摘

繭繰新絲儂家蠶事嗟如斯哺兒無心活無計懷中之雛飢
而嘯兒幼長與儂相近儂貧長與蠶爲命今年蠶荒難成活
宛轉攜兒水中殉吁嗟胥吏猛於虎窮廬追呼遍門戶吳絲
藉以充官稅哭民育蠶多辛苦育蠶身殉悲難勝我聞爲作
哀蠶行長歎一聲出隴望桑葉黃落鳩哀鳴

楊

洪

字若千歸安人著
思齊存稿二卷

賦贈友人村居

柴門遙對弁峯青溪上虬龍古木形面水有情鷗作侶堵牆
無力竹爲屏清狂客至聯長句寒素家傳授一經他日功成
談笑後爲君擔酒約同醒

桂瀛仙

名州以字行慈
谿人著蓬梗集

雲溪晚釣

素練澄明秋萬里雲溪派接滄溟水白頭漁父了無憂一竿
獨釣斜陽裏孤鷺橫飛天宇寬綠蓑不怕秋風寒得魚何處
臥明月扁舟夜泊蘆花灘

汪

霖

字雨亭
天台人

威學標曰雨亭風韻清幽如碧梧翠竹齊息
園少宗伯稱其畫與倪雲林沈石田相埒

高明寺香谷巖泉

智者持一鎗結趺選奇別水觀聚眾香巖竇野花發至今古
佛龕到者歎幽絕挹此醍醐清靜覺魚鐘歇

楊明昇

字日輝號東白東陽
人著東白山房詩集

胡鳳丹曰日輝精岐黃術
探求易理深明理數之學

緝雅堂詩話東白以醫自給其詩有可傳者如未必此
才能壽世敢緣俗學不求師須知命比千金貴其奈經
詳入脈難素問幾人窮與變青龍有計耐單寒如
斯人者非王介甫所謂其心曠然無累于物者與

秋懷

天空雲淡日蒼黃
揮麈逍遙出草堂
峰吐嵐光迷落葉
橋移人影過斜陽
籬花引句懷彭澤
楓樹傳聲弔楚湘
賦性從來多狷急
懷忠千載意微茫

徐

鯤

字博九常山廩貢

雙尖疊翠

城南之山真奇譎
雙尖峨峨峯並列
仙梯鳥道盤縈回
嵐光掩映互明滅
人言此山萬丈高
望之渾如削
精鐵飛泉瀑布
銀花浮往往
六月灑急雪
我來平底窺天門
中有當關虎豹
蹲蜿蜒百折到絕頂
俯視羣岫如兒孫
君不聞江郎三片石
霞壁錦屏蒼蘚積
又不聞爛柯一綫天
松門石磴翠陰滴
孤撐螺髻爭送青
就中疑有仙人迹
仙人不見山之阿
層巒聳

岑垂藤蘿深谷雲屯雨絲冪幽厓草暗煙痕拖雨雨煙煙相
盪摩隨風濃淡雙婆娑

史致光

原名步雲字郊師號漁村山陰人乾隆丁未一甲一名進士官至都察院左都御史

許正綬曰道光癸未會試都中宴公車先生以三達尊與諸貢士行酬酢之禮余始獲見先生先生嘗言我輩勿論官京外但須做二等官切不可見老成典型矣見好卽有不好伏其中此可見老成典型矣

送山陰邑侯徐變園先生

元梅之遼州新任

越中一郡領八邑首數山陰治繁劇傳家作宰頌神明自言
治縣有奇術凱之務簡政亦修鎮日垂簾訟庭寂伊予家在
蠡城中早年射取金門策一麾出守滇池南逢人問訊蓬萊
驛聞道中州孺子賢風流本自文章伯十年看徧長安花一
朝捧授郎官幘燕寢濃香著印牀春郊化雨隨車輒徵文考
獻知所先茂實英聲蜚藉藉憶昔逢君大衍時壽言郵寄仲

肝膈相違萬里獨神交夢裏分明見標格預期特擢賢良司
果看高注銓題冊壺關西去馬駸駸早有兒童迎郭汲薰風
樓上好題詩彷彿神人居姑射所希報最

御屏書賢哉敘此二千石雙鳧飛去復飛來鑑湖重莅王喬
鳥他時我願識荊州揮毫滿紙傳清白

馬履泰

字叔安號菽庵又號秋藥仁和人乾隆丁未進士官至太常寺卿著秋藥庵詩集

桂馥序略秋藥比部之詩南北作者見輒奇之蓋醞于中久矣豈飽食桃花飯所能解識哉杭郡詩續輯太常年逾三十不爲詩婦翁朱青湖謂之曰子以詞賦通籍而不學詩是農夫不修耒耜矣其可乎于是始爲之見者輒歎賞以爲天授工畫山水骨秀神腴旣以言事罷歸雙瞳翳如猶主講數文書院數年品題甲乙殆所謂不盲于心者與

雁足鐙

野煙霽掃耘夫耘老綠已活將驚雲和土捉視爪趾分一行

蟲齧搜遺文建昭始造膏銜芬陽朔三年賜將軍蹕下字更
眇秋蟲實內大廚邇羶輦高尺有二重一斤歎息制度精軼
羣工今不藝嬉朝暝何事不異古所云然勤小物大放紛吾
將西征弔蒼雯孝武赤雁歌紛紜孝宣神爵以瑞聞是時火
德方烟煴王霸雜用鐘閒蠶元帝儒緩家法焚滅火非燕乃
政君十侯並封兆黃雲一鑑雖細割炎炘宮中老婦昧巢焚
直至偏璽慘不欣怒擲階下恨嚼斷坐見威斗延靈氛園寢
廢壤現夔賸總帷玉座綠苔紋安得麻燭照秋蕢哀鴻夜叫
霜無垠

題椒山先生二疏稿後

元稹歷御史抗言風力邁少挫遽自懾化爲繞指柔元忠忤
羣小肉甘如鹿麋晚節乃雨泣識者爲歎嗟讀公前後疏施

手雷電室殷殷始老兵忽震巨懟慄九遷何足懷百折終不撓死或重泰山或輕如鴻毛一笑卻蚍蜉氣爭霜空高

題昇仙太子碑拓本後

吹笙帝子貌如霞想像排煙鶴勢斜暫去空山閒碧草重來小殿有菱花羽衣頻想瑤華駐翠墨長留嵩雒誇應笑秦皇意疎闊年年海上望迴查

送王述庵少司寇歸里

主恩特許暫辭都祖送依然重大夫難蜀高文傳父老還吳鄉味足蒹鱸重重峯泖收詩卷鬱鬱松楸息墓廬莫遽遂初尋舊賦

聖時台鼎待皋蘇

桂學博得古銅桂字小印屬題

何代爲君琢居然圭木章試鈐詩卷尾老綠吐辛香
辨是金元物滄桑七百年賴無容蝨處一字極清妍
桂父古仙人秘篆肘後繫何緣落君手君豈其苗裔
拾得離騷字應歸痛飲人醉中誇示客跌宕見天真

訪李滄溟鮑山白雪樓

想像憑窗意不羣韓倉谷外踏斜曛論才高並峨嵋雪訪古
空瞻樓閣雲樓廢已久樓閣雲見佛書脫屣一官真灑落置身百尺謝塵
氛黃門數語存公論訾毀何妨聽聚蟲

阮伯元武虛谷朱朗齋段赤亭同集小滄浪至夜始歸
湖光遙裔柳絲斜擬濯塵纓上釣槎風至林翻青屬玉雨餘
秋上白荷花卽今難得心無事自古同憐生有涯旣欲清遊
須盡興直看涼月墮煙沙

韓聽秋孝廉桂舲觀察賢兄弟以其高祖貞文先生小林屋圖見示先生名在東林黨籍爲馬阮所惡遁迹去國初始買夏氏宅居蘇州城中宅旁疊嶂渾成洞穴窈窕穴中泉流津注渟泓鏡澈先生題爲小林屋洞其上高梧蹙柏秀箭疏松離離蔚蔚每當風雨欲來洞口滃然洩雲如曳幅練矣至若蒼煙夏結當暑忘炎歊之蒸空翠晨飛近市邈川巖之想所謂是焉棲寄實可憑矜者也後人世有其業埽爲長卷以遺好事者余亦賦詩聊綴諸公之末云

誰鑿夫椒山勢成隱君曾此託幽貞眼中飽閱滄桑事頭上疑聞風水聲欲繼王官深屏迹未容女子更知名從來兵燹多餘劫賴有神扶古石鉏

樹蟠山骨更峻嶒隱矣其誰按籍徵此日濃陰流夏簟當時
殘焰避春鎧甘陵清節人難及沙社遺民世共稱若話

國初諸故老四筵傾動我猶能

手披長卷如身到老輩風流未易攀述祖一篇鉤黨傳遺謀
幾筆洞庭山天如林畔曾吟眺子美亭邊數往還豈料君家
尤勝絕教人意外得蕭閒

吾杭自北宋以來東坡並無專祠晤阮芸臺學使云將
與藩司謝公立公祠于湖上孤山之側歲寒巖下喜
而賦此

羣仙拓宇祀眉陽走也聞之喜欲狂配食不教分菊水遺民
肯使愧桐鄉一湖煙雨公專壑千首新詩我瓣香安得歲寒
巖畔路高歌哨遍奠椒漿

左積弩將軍漢印

文曰左積弩將軍章龜鈕褐色永昌令張子白若采得于其邑之強臺山

蓋山之西南隅崩出者辨者以為光武征隗囂時物也未知是否詩姑從之余友陳受笙工篆印平生酷嗜漢章心願得之

子白即解贈焉

故人張子白示我漢時銅聞自強臺畔攜歸弱水東官稱左

積弩道出右扶風遙憶星辰佩曾從隴阪攻一軍監肘後大

將翊師中拍蹶雙張疾

手開弩曰拍張足開弩曰蹶張

青黃五閒雄

弩有五閒色閒

泥封休自恃山立發何窮事類崩沙鹿人還記雪鴻

余重過永昌

蟠龜猶有鈕綰綬笑無通茶褐看逾舊苔衣刷已空牙銘猶

待索蟠扁此眞工足令冰甘澱天然木蝕蟲萍蹤能脫贈風

義與磨礪不但軍司馬鈴書效素公

吳于宣

字浚明號南嶼石門人乾隆丁未進士官江蘇揚州知府

府志于宣才識英敏通達吏治官邑令時以能聲著山左內擢刑曹每遇

兩浙輶軒續錄

卷十四

馬履泰 吳子宣

望

欽差

大員往直省審案必奏請于宣偕往悉心研鞠平反頗

多俸滿守揚州護理常鎮通道篆以勞卒官于宣善書

法嘗典閩試所

拔皆知名士

磁州道中小雨

荻蘆瑟瑟水邊秋千里平蕪暑氣收撲面黃塵飛不起滿天

涼雨過磁州

冀北江南訝許同水田漠漠稻花風雞頭菱角沿溪碧時放

殘荷一朵紅

爲桂舫昆季題聽雨圖卷子

四海論交弟與兄風風雨雨話江城人因團坐偏宜夜天爲

聯牀不放晴老屋青鐙尋舊夢亂山黃葉滿秋聲披圖何止

聽蕭瑟吳楚東南無限情

邵陽縣邨寓小屋

地襯松毛紙貼牆坐來一屋半閒牀忽開窗戶見平楚無數

亂山明夕陽

東風吹暝雨初過麥隴高低翠作坡溪上亂蛙聲到枕不知

鄉夢夜如何

陸元鉉

字冠南又字石桐鄉人乾隆丁未進士官廣東高州知府著青芙蓉閣詩集

府志元鉉以四川雅州知府調署甯遠川陝牧匪滋事

避亂者踵至悉收納安撫之其地產蠟蟲匪徒何蠟蟲

會乘閒竊發元鉉捕誅首惡民遂帖然補惠州濱海土

匪攻歸善縣掠元鉉械去又從他道至元鉉急督兵勇發

槍弩殲之未幾調

高州被議鐫秩歸

冷廬雜識伯父石公抵惠州歸善甘學博八旬耳聾

龍鍾叩謁應對俱謬或謠可以年老黜之公曰士人畢

世勤劬僅得備位下曹已足憐憫況學博乃老而後官

非宮而後老何忍苛求乎卒善視之公自幼刻苦力學

於詩嗜之尤篤晚年自定詩集海內傳誦之有嘉慶己

卯助星查從兄瀚攝篆徐聞縣詩不載集中公即於是

年捐館矣

勸瀚兒攝篆徐聞縣

南天遙隔海漫漫書到都從隔歲看道遠忽如遷客去身親
方信宦途難刑書未讀猶儒術民隱能知卽好官載石鬱林
先德在莫因寶玉厭貧寒

楊夢符

字西傳一字與岑號六士山陰人陝西籍乾

北江詩話楊比部好學六朝文小詩亦極幽峭余嘗以
一聯戲之曰詩筆四靈文六代科名兩度籍三州蓋楊
寄籍山東補博士弟子續舉陝西鄉試成進士則又浙
江原籍也比部後又寄居吾鄉宅在烏衣橋三將軍巷
卒後其子以比部遺命乞余爲六朝文格以表其墓末
云訪將軍之巷大樹猶存過邗水之橋溪流半涸亦足
以悽愴傷心者矣

陶潛

宣曰君移家常州其故居在會稽之平水故送許

俾堂歸山陰詩云平水西橋有敝廬飄搖今作誰何居

平水卽若耶溪也當時與曾賓谷洪稚存汪容甫諸先

生相酬唱詩筆卓絕今集久佚後嗣無可訪僅於曾氏

煥朋舊遺詩台鈔及斷稿零章蒐存數什

九日

風雨成佳節秋林萬木哀有家頻作客非病倦登臺夢入秦
雲迴心隨朔雁迴何時伴松竹三徑共銜杯

重至東昌書院

閱世成華髮惟餘作客工懷人花影後得句鳥聲中湖海半
知己雲蘿隔幾重庭前有枯樹便是主人翁

讀史雜詩

六經雖紛綸理至無費詞奧衍既不逮乃復侈小知自謂得
未有當作千載師譬諸入瓊林一葉或一枝春風忽不及元
化豈在茲不然駁妄釋謬癖所癖墨守廢疾高與赤末流之
禍宋安石

獨客

獨客亦自佳心清絕所擾陰陰垂一簾綠淨愜幽討主炊驅
兩僮求友得數鳥風來敗籬閒肅肅似生籓所性具邱壑得
此良不少

題戴嵩畫鬪牛

羊性狠狗性險惟牛其馴氣頗斂畫工若恐牛不武畫作鬪
牛觀者堵牛不好鬪胡不平兩童驅之牛怒生既不使竭爾
力耕爾田麾爾以肱橫加鞭復不及陳家青王家烏輕車快
足誇當塗兩者一傷戚爾牧西鄰禴祭茲其福烏乎人生萬
事如牛毛毋以餘勇誇爾曹今學割者皆操刀

漢通天臺金銅仙人歌

武皇好道入煙霧咫尺蓬萊不得渡金丹未許塞黃河漫擬
仙人或可鑄仙人在何許高臺百尺銅盤舉盤中何所有玉

露秋寒珠自走一朝青鳥隔長風秋槐吹落五柞宮銅人有
淚未敢出猶是龍樓漢家月青龍之紀非漢臣問鼎不顧炎
精淪千官旌旆隨飛塵當時強項惟銅人銅盤既墮銅雀沒
典午金甌亦旋失百年翁仲司馬門更有摩挲悲故物吁嗟
銅人爾莫哀金人十二空秦臺山河自古非磐石如君亦是
秋風客

偕竹初師洪稚存蔣松如訪梅鄧尉因至吾山絕頂作
春溪日日吹東風春雲如夢酣晴空尋春十步已得地花氣
中人酒薄醉傍花覓路恐或失目不暇應神已出忽然置我
吾山顛花光連湖湖接天忽然沿山入花港壓帽疏枝低首
讓洪生顧影頗汲汲破曉先攜一舟入四山迷離逞孤往花
裏盤輿恰相及百年離合奈何許正好徘徊吹急雨青山偶

然佳可惜暮帆色竭來豈不爲梅花如此梅花住不得

二月八日雨夜陪竹初師洪稚存再遊靈巖山館四十

韻

觀山如觀書一覽不盡意況茲陰晴交俯仰態尤異昨游頗
愬愬攬衣不成翠一夕泉潄浚石橋通寤寐清晨過別溪急
雨倏然至正思雨中山所快得同志林色何冥蒙布帆且少
遲四圍疏竹籬遙遙板扉二桃源在人間重來畧能記初行
得天光仄徑雨葉墜倒笠飛簷泉顧步慮顛躓松杉忽深黑
梅花已滿地一花復一竹三五不以次漸入勢漸高泥鬆屐
聲膩衆犬吠一鐙側踵麾以臂時維夜二更百狀爭靜媚山
童有神解聽雨不肯睡未問客所來狂呼訝山魅語童童勿
驚客來良非易流霞滿鬚眉前身玉皇吏雙攜紫芝杖耕雲

此焉寄至今遺青牛留作山童騎童其還故物有酒與童醉
童聞笑而答客乃此遊戲上有雲中閣厓庵倒影庇旁有九
曲闌山花復四被客試升層梯淩虛一挾背余生幾兩屐幽
邈憑縱恣秉燭每不暇夜游自此始恂恍空中身一鐘下山
寺木末浮暝煙高下各不類回頭語洪生勝游君盍誌君行
入梁園幸爲主人致主人吾之師維岳神所自霖雨已半壁
餘情此位置豈無別墅棋東山偶一出亦有蓮花池和風廣
嘉植吾知此山中自具宰相事他時許從游牽蘿卽幽贊願
築樓三層下安弟子位

送許皞堂歸山陰

逢君不知樂草草歲何遽識君方恨遲君復翩然去布帆七
尺河水平錢塘八月潮來迎不知君行得幾日但覺滿耳皆

秋聲平水西橋有敝廬飄搖今作誰何居百年喬木認桑梓
大許村前去尺咫好儲雞豕備兩尊容我歸來一叩門

贈秦小峴瀛侍讀

頻年踪迹最相親竝轡邊門又歷旬天外煙雲能作氣眼中
人海竟如塵生教識字原奇福詩已名家例食貧一夕悲歌
念明發與君終始作完人

贈松崖銀臺

一時輪轉總隨方模範咸推子駿良曾以五年成國史更憑
一疏論河防故人趙史自註謂甌北卓峯知同在秋後莼鱸喜共嘗
望裏青山眞面目好官難得是江鄉

汪瑜字季農號天潛

憲季子錢塘人
吳振械傳畧天潛恍爽直諒急人之急逾于已事居杭
不樂輒移家之吳卜居不果則又歸杭凡五次移家所

居又不戒于火會子初卒于蜀遂抑鬱以死其兄春園
哭以詩曰力盡五遷人已老病成一慟藥無靈蓋深傷
之也

秋日重登煙雨樓

落木嘯烏正晚秋不逢煙雨亦登樓半湖水碧菱初老千頃
雲黃稻未收殘柳蕭疏臨畫檻吳歌斷續起漁舟釣鼈磯畔
留題處風景依稀似昔游

落葉

霜寒如水逼簾櫳攪耳淒清入夢中掃徑孤僧驚歲晚繞枝
寒鵲感巢空玉關殘月三聲笛古井荒苔一夜風愁誦蘭成
枯樹賦早衰我亦似梧桐

吳

晟

字瑞日號秋圃晚號耐翁錢塘諸生

吳振械傳畧秋圃四叔父先以佐人幕府客楚客滇客
蜀者甚久旋入貲得官復至滇蓋于滇凡三至焉晚年

以目管乞歸然嗜吟耽書至老不倦暇輒攜一卷小窗下逼視讀之不以移昏爲苦也

幽棲

一官如老衲獨處絕塵緣小砌迎花笑空堂伴燕眠溪雲初變日山雨欲生煙坐對渾忘我幽棲別有天

吳清藻

字蘭谷錫麒子錢塘人兩淮侯補鹽知事著夢煙舫詩

吳清鵬紀畧蘭谷兄性好苦吟不肯拾前人一字亦不喜看前人詩每作寢食俱廢呼之不應號爲詩癡

夏日寓九弟園

昔弟居京時寓園多花樹中有一小閣我曾三到住卻別十餘年今復邗上聚遽廬等一宿何者非逆旅且喜仍共居約我過殘暑最愛屋如船風來四窗度窗前有老槐一樹清陰午其外通曲廊花木兩傍補正當炎歊候得此深靜處可以銷長晝隨意閒游步尤喜晚涼時幾箭幽蘭吐

應文荅

字亭伯禮子仁和人杭郡廩生著粹掌齋遺稿

杭郡詩三輯亭伯稟承家學如五言鳥啄巖花去猿偷野果來半嶺日將夕一僧雲共歸鳥延僧竈米蟲繡佛衣花夕陽紅墮雨疏樹碧生煙七言慢憐惟悴埋空谷自有因緣到御溝月色淒清空院落雨聲滴瀝小牆陰皆得南宋綢香惜天不永年後嗣相繼殂謝幸其甥張東甫大令之杲哀刊尊甫閭然室詩存卽以君詩附後茗上寓樓晚眺

樹少煙光澹山多雨氣昏隔河人喚渡臨水鴨知門野竹別成徑疏花遙見村晚涼風滿座筆硯染秋痕

顧

浩

字雪江海甯人

周貞女詩

邑人敬勝女

節守桃夭未賦前于歸只見素車延不將氏妣參媒怨誓了烏私羸負緣茹苦眞同銜石闕懷清永作在山泉彤書名字輝南國寶月經天萬古圓

黃凱鈞

字南薰嘉善人著友漁齋詩集

府志凱鈞性孝友母高氏得水腫疾甚殆日侍湯藥夜輒露禱百計療治得痊咸以爲孝感感所致爲父母卜葬躬親負土廬墓終身名其地曰馴鹿莊處事寬厚而耿介嘗買鄰人屋而其屋先已賃人慮其他徙失利垂立券而毀之嘉慶甲子縣被水倡率平糶貧民賴以舉火夙工醫以濟人爲急療治頗夥并合藥以施閱五十年

弗懈

和頻伽水閣送春

婪尾傾殘手自攸更無長策駐春華空留鶯語喧斜照賸有蛛絲冒落花動隔一年人易老每當三月客思家茫茫大有同心感醉倚闌干看暮霞

村居遣興

郊原秧遍插一雨省還苗

插秧畢復踏車戽水田家名還苗水蠶事繭頭白禽

言婆餅焦棘鍼栽護蕙蛛網捲承蜩破倦尋僧話呼童放短

橈

幽興不嫌寂終朝形影隨煎茶學桑苧織屨慕桃椎怒笑蛙
睛突閒憐鶴翅垂松閒跌坐久涼月滿襟披

初夏園居

漸見林陰覆屋檐紙窗卸卻換疏簾服盆蘭舊香猶烈出水
荷新葉尙尖老事結釐惟恐情貧思賣藥不傷廉但教俯仰
心無媿便有靈芬嬾去占

王

濱

字又邨上虞人
著九絲吟草

虎邱懷古

畫舫煙波到處宜洞橋西去柳絲絲春風十里生公石明月
三分短簿祠響屨廊空餘蟋蟀采香人遠賸胭脂千秋冷落
眞孃墓愁聽吳儂唱竹枝

梅士聖

字子通
雲和人

溪口秋泛

簪水秋如拭沿洄一野航
宿禽喧亂葦飢獺竄空梁
養性宜初服尋幽易夕陽
還當招海月誰與賦滄浪

兩浙輶軒續錄卷十四